

**სსიპ - ივანე ივანე ჯავახიშვილის სახელობის თბილისის სახელმწიფო
უნივერსიტეტის დამოუკიდებელი სამეცნიერო-კვლევითი ერთეულის
შოთა რუსთაველის სახელობის ქართული ლიტერატურის
ინსტიტუტის დირექტორის არჩევის პროცედურა (ღ ი ა კენჭისყრით):**

- 1.** თსუ დამოუკიდებელი სამეცნიერო კვლევითი ერთეულის შოთა რუსთაველის სახელობის ქართული ლიტერატურის ინსტიტუტის სამეცნიერო საბჭო თავის სხდომაზე განიხილავს ინსტიტუტის დირექტორის კანდიდატთა განცხადებებს, მათზე დართულ დოკუმენტაციას და ნიშნავს ღია კენჭისყრის დღეს.
- 2.** ღია კენჭისყრა ინსტიტუტის დირექტორის ასარჩევად ტარდება სამეცნიერო საბჭოს სხდომაზე თსუ დამოუკიდებელი სამეცნიერო-კვლევითი ერთეულის - თსუ შოთა რუსთაველის სახელობის ქართული ლიტერატურის ინსტიტუტის დებულების შესაბამისად, ღია კონკურსის საფუძველზე ირჩევს ინსტიტუტის სამეცნიერო საბჭო და ამტკიცებს თუ აკადემიური
- 3.** არჩევის პროცედურა ტარდება ინსტიტუტის სამეცნიერო საბჭოს სხდომაზე კენჭისყრისათვის განსაზღვრულ დღეს - 1400-დან 1600 სთ-მდე.
- 4.** საჭიროების შემთხვევაში, შერჩევის პროცედურების უზრუნველყოფის მიზნით, კენჭისყრის დაწყებამდე სამეცნიერო საბჭო ღია კენჭისყრით საბჭოს წევრთაგან ირჩევს ხმის დამთვლელ კომისიას არანაკლებ 3 (სამი) და არაუმეტეს 5 (ხუთი) წევრის შემადგენლობით. ხმის დამთვლელი კომისიის წევრების შერჩევის შემდეგ სამეცნიერო საბჭოს წევრს უფლება აქვს, ხმა მისცეს სასურველ კანდიდატს. სამეცნიერო საბჭოს წევრი უფლებამოსილია, ხმა მისცეს დირექტორის მხოლოდ ერთ კანდიდატს.
- 5.** დამოუკიდებელი სამეცნიერო სტრუქტურული ერთეულის დირექტორის თანამდებობაზე არჩეული პირი ითვლება არჩეულად მთავარი მეცნიერი თანამშრომლის ძირითადი და დამატებითი მოთხოვნების დაკმაყოფილების შემთხვევაში, შესაბამისად - 10 წლის ვადით ან უვადოდ.
- 6.** სამეცნიერო საბჭოს სხდომა უფლებამოსილია, თუ მას ესწრება სრული შემადგენლობის ნახევარზე მეტი. დამოუკიდებელი სამეცნიერო სტრუქტურული ერთეულის დირექტორად არჩეულად ჩაითვლება პირი, რომელსაც ხმა მისცა საბჭოს სიითი შემადგენლობის ნახევარზე მეტმა. თუ ვერც ერთმა კანდიდატმა ვერ დააგროვა ხმების საკმარისი რაოდენობა, იმავე დღეს (ჩატარების დრო დგინდება სამეცნიერო საბჭოს მიერ) გაიმართება განმეორებითი (დამატებითი) კენჭისყრა, რომელშიც მონაწილეობას იღებს ორი საუკეთესო შედეგის მქონე პირი. დამატებითი კენჭისყრის შედეგად არჩეულად ჩაითვლება პირი, რომელსაც ხმა მისცა საბჭოს სიითი შემადგენლობის ნახევარზე მეტმა. იმ შემთხვევაში, თუ დამატებითი კენჭისყრის შედეგადაც ვერც ერთმა პირმა ვერ მიიღო სამეცნიერო საბჭოს წევრთა სიითი შემადგენლობის უმრავლესობა, დამოუკიდებელი სამეცნიერო სტრუქტურული ერთეულის დირექტორის არჩევის პროცედურა ხელახლა ცხადდება და ტარდება მოქმედი კანონმდებლობისა და წინამდებარე წესის მოთხოვნათა დაცვით.
- 7.** კენჭისყრის სხდომის დაწყებიდან საბოლოო შედეგების გამოვლენამდე ხმის დამთვლელი კომისიის საქმიანობა ხორციელდება სამეცნიერო საბჭოს სხდომაზე საბჭოს წევრთა თანდასწრებით.

8. ხმის დამთვლელი კომისია უფლებამოსილია, მიიღოს კენჭისყრის პროცედურებთან დაკავშირებული ნებისმიერი გადაწყვეტილება წინამდებარე წესით განსაზღვრულ ფარგლებში.

9. არჩევის პროცედურის შედეგები ცხადდება სამეცნიერო საბჭოს სხდომაზე ხმის დათვლის პროცედურის დასრულების შემდგომ და სხვა აუცილებელ ინფორმაციასთან ერთად შეიტანება სხდომის ოქმში. სხდომის ოქმის შინაარსი გაეცნობა საბჭოს წევრებს და მას ხელს აწერენ სამეცნიერო საბჭოს (საბჭოს სხდომის) თავმჯდომარე და მდივანი. სხდომის ოქმი, რომელშიც ასახულია ინსტიტუტის დირექტორის არჩევის შედეგები, სამეცნიერო საბჭოს თავმჯდომარის წერილით, დასამტკიცებლად ეგზავნება თსუ აკადემიურ საბჭოს.

10. თსუ აკადემიურ საბჭოს სამეცნიერო სტრუქტურული ერთეულის დირექტორის არჩევის შედეგები შესაძლებელია გასაჩივრდეს კანონმდებლობით დადგენილი წესით საქართველოს სასამართლოში.

დამოუკიდებელი სამეცნიერო სტრუქტურული ერთეულის დირექტორის არჩევის პროცედურა (ფ ა რ უ ლ ი კენჭისყრით):

1. სამეცნიერო საბჭო უფლებამოსილია, განიხილოს დამოუკიდებელი სამეცნიერო სტრუქტურული ერთეულის დირექტორის არჩევის მიზნით კენჭისყრის ფარული წესით ჩატარების საკითხი.

2. კენჭისყრის ფარული წესით ჩატარების გადაწყვეტილების მიღების შემთხვევაში: ა) შესაბამისი პროცედურების უზრუნველყოფის მიზნით კენჭისყრის დაწყებამდე სამეცნიეროსაბჭო ღია კენჭისყრით საბჭოს წევრთაგან ირჩევს ხმის დამთვლელ კომისიას 3 (სამი) წევრის შემადგენლობით;

ბ) ხმის დამთვლელი კომისიის წევრების არჩევის შემდეგ სამეცნიერო საბჭოს წევრს უფლება აქვს, ხმა მისცეს მხოლოდ ერთ სასურველ კანდიდატს;

გ) ხმის დამთვლელი კომისია უფლებამოსილია, მიიღოს პროცედურებთან დაკავშირებული ნებისმიერი გადაწყვეტილება წინამდებარე წესით განსაზღვრულ ფარგლებში;

დ) საარჩევნო სიაში შედის სამეცნიერო საბჭოს ყველა წევრი. საარჩევნო სიაში მოცემულია სამეცნიერო საბჭოს წევრის სახელი და გვარი; გადასატანი საარჩევნო ყუთის გამოყენების შემთხვევაში, დგება ამ ყუთით მოსარგებლე ამომრჩეველთა ცალკე სია;

ე) კენჭისყრის დაწყებამდე ხმის დამთვლელი კომისიის წევრები სამეცნიერო საბჭოსთან დასწრებით ითვლიან ცარიელ ბიულეტენებს. ბიულეტენების რაოდენობა უნდა უტოლდებოდეს სამეცნიერო საბჭოს წევრების რაოდენობა, რომელსაც ემატება 3(სამი) სარეზერვო ბიულეტენი. სარეზერვო ბიულეტენები გამოიყენება გამოუყენებელი ბიულეტენის დაზიანების შემთხვევაში. გამოუყენებელ ბიულეტენად მიიჩნევა ბიულეტენი საარჩევნო ყუთში ჩაგდებამდე.

3. სამეცნიერო საბჭოს სხდომა უფლებამოსილია, თუ მას ესწრება სრული შემადგენლობის ნახევარზე მეტი. დამოუკიდებელი სამეცნიერო სტრუქტურული ერთეულის დირექტორად არჩეულად ჩაითვლება პირი, რომელსაც ხმა მისცა საბჭოს სიითი შემადგენლობის ნახევარზე მეტმა. თუ ვერც ერთმა კანდიდატმა ვერ დააგროვა ხმების საკმარისი რაოდენობა, იმავე დღეს (ჩატარების დრო დგინდება სამეცნიერო საბჭოს მიერ) გაიმართება განმეორებითი (დამატებითი) კენჭისყრა, რომელშიც

მონაწილეობას იღებს ორი საუკეთესო შედეგის მქონე პირი. დამატებითი კენჭისყრის შედეგად არჩეულად ჩაითვლება პირი, რომელსაც ხმა მისცა საბჭოს სიითი შემადგენლობის ნახევარზე მეტმა. იმ შემთხვევაში, თუ დამატებითი კენჭისყრის შედეგადაც ვერც ერთმა პირმა ვერ მიიღო სამეცნიერო საბჭოს წევრთა სიითი შემადგენლობის უმრავლესობა, დამოუკიდებელი სამეცნიერო სტრუქტურული ერთეულის დირექტორის შერჩევის პროცედურა ხელახლა ცხადდება და ტარდება მოქმედი კანონდებლობისა და წინამდებარე წესის მოთხოვნათა დაცვით.

4. კენჭისყრის სხდომის დაწყებიდან საბოლოო შედეგების გამოვლენამდე ხმის დამთვლელი კომისიის საქმიანობა ხორციელდება სამეცნიერო საბჭოს სხდომაზე საბჭოს წევრთა თანდასწრებით.

5. ხმის დამთვლელი კომისია უფლებამოსილია მიიღოს კენჭისყრის პროცედურებთან დაკავშირებული ნებისმიერი გადაწყვეტილება წინამდებარე წესით განსაზღვრულ ფარგლებში.

6. კენჭისყრა ტარდება კენჭისყრისათვის განსაზღვრულ დღეს 1400-დან 1600სთ-მდე.

7. სამეცნიერო საბჭოს წევრის მიერ ხმის მიცემა ხორციელდება საარჩევნო ბიულეტენზე სასურველი კანდიდატის რიგითი ნომრის შემოხაზვით და საარჩევნო ყუთში მოთავსებით. ბიულეტენების დაბეჭდვაზე პასუხისმგებელია ინსტიტუტის დირექტორი.

8. საარჩევნო ბიულეტენზე აღინიშნება:

ა) ინსტიტუტის სახელწოდება; ბ) ინფორმაცია იმის შესახებ, რომ ბიულეტენი განკუთვნილია ინსტიტუტის დირექტორის შესარჩევად; გ) კანდიდატების ჩამონათვალი და მათი რიგითი ნომრების თანმიმდევრობა, დალაგებული ანბანის მიხედვით; დ) საარჩევნო ბიულეტენი დამოწმებული უნდა იყოს სამეცნიერო საბჭოს თავმჯდომარის ხელმოწერით.

9. ინსტიტუტის დირექტორი უზრუნველყოფს ხმის დამთვლელი კომისიის საარჩევნო ყუთით აღჭურვას, რომელიც კენჭისყრის დაწყებამდე მოწმდება, რათა ხმის დამთვლელი კომისიის წევრები და სამეცნიერო საბჭოს წევრები დარწმუნდნენ, რომ იგი ცარიელია. კენჭისყრის დაწყებამდე საარჩევნო ყუთი ილუქება კომისიის წევრთა მიერ სამეცნიერო საბჭოს წევრების თანდასწრებით.

10. საარჩევნო ყუთი განთავსებული უნდა იყოს კენჭისყრის სხდომის ოთახში, თვალსაჩინო ადგილას.

11. საბჭოს იმ წევრებისთვის, რომლებიც ავადმყოფობის გამო ვერ შეძლებენ კენჭისყრის სხდომაზე მოსვლას, გამოყენებული იქნება გადასატანი საარჩევნო ყუთი, რომელიც ილუქება კომისიის წევრთა მიერ სამეცნიერო საბჭოს წევრების თანდასწრებით.

12. გადასატანი საარჩევნო ყუთით სარგებლობის შესახებ საბჭოს წევრი 17.00 საათამდე მიმართავს სამეცნიერო საბჭოს თავმჯდომარეს განცხადებით, რომ ის შეტანილ იქნეს გადასატანი საარჩევნო ყუთით მოსარგებლე ამომრჩეველთა სიაში.

13. გადასატანი საარჩევნო ყუთის ამომრჩეველთან მიტანა ევალება ხმის დამთვლელი კომისიის ორ წევრს, რომელთაც დამკვირვებლის სტატუსით შეიძლება ახლდეს სამეცნიერო საბჭოს

14. ხმის დამთვლელი კომისიის იმ წევრებს, რომელნიც პასუხიმგებელნი არიან გადასატანი საარჩევნო ყუთის ამომრჩეველთან მიტანაზე, კომისია გადასცემს: ა) გადასატანი საარჩევნო ყუთით სარგებლობის მსურველ ამომრჩეველთა სიას; ბ) საჭირო რაოდენობის საარჩევნო ბიულეტენებს; გ) დალუქულ გადასატან საარჩევნო ყუთს.

15. დამოუკიდებელი სამეცნიერო სტრუქტურული ერთეულის დირექტორის შერჩევა ხორციელდება სამეცნიერო საბჭოს სხდომაზე.

16. კენჭისყრის სხდომაზე სამეცნიერო საბჭოს წევრი ხმის დამთვლელი კომისიის წევრისაგან იღებს ერთ საარჩევნო ბიულეტენს - ერთ ვაკანსიაზე, რასაც ადასტურებს ამომრჩეველთა სიაში თავისი გვარის გასწვრივ ხელმოწერით. ბიულეტენს ხელი უნდა მოაწეროს ხმის დამთვლელი კომისიის ყველა წევრმა.

17. სამეცნიერო საბჭოს წევრი შედის სპეციალურად მოწყობილ საარჩევნო კუთხეში, აკეთებს არჩევანს და აგდებს ბიულეტენს საარჩევნო ყუთში. საარჩევნო კუთხედ ითვლება ნებისმიერი განცალკევებული ადგილი, სადაც ხმის მიცემის ფარულობა დაცული იქნება;

18. სამეცნიერო საბჭოს წევრს უფლება აქვს, ერთ ვაკანსიაზე ხმა მისცეს მხოლოდ ერთ კანდიდატს.

19. კენჭისყრის სხდომის დაწყებიდან საბოლოო შედეგების გამოვლენამდე ხმის დამთვლელი კომისიის საქმიანობა ხორციელდება სამეცნიერო საბჭოს სხდომაზე საბჭოს წევრთა თანდასწრებით.

20. კენჭისყრის დასრულების შემდეგ ხმის დამთვლელი კომისია სამეცნიერო საბჭოს წევრთა თანდასწრებით ხსნის საარჩევნო ყუთს ან ყუთებს (გადასატანი საარჩევნო ყუთის გამოყენების შემთხვევაში) დაითვლის ბიულეტენების საერთო რაოდენობას. ბიულეტენების საერთო რაოდენობა არ უნდა აღემატებოდეს ამომრჩეველთა სიაში/სიებში (გადასატანი საარჩევნო ყუთის გამოყენების შემთხვევაში) სამეცნიერო საბჭოს წევრთა ხელმოწერები სრაოდენობას.

21. ბიულეტენების საერთო რაოდენობის დათვლის შემდეგ ხმის დამთვლელი კომისიის წევრები ითვლიან თითოეული კანდიდატისათვის მიცემული ხმები სრაოდენობას.

22. საარჩევნო ბიულეტენი მხოლოდ იმ შემთხვევაში მიიჩნევა ბათილად, თუ:
ა) საარჩევნო ბიულეტენი დამოწმებული არ არის ხმის დამთვლელი კომისიის შესაბამის უფლებამოსილ წევრთა ხელმოწერით;
ბ) შეუძლებელია იმისდადგენა, რომელ საარჩევნო სუბიექტს მისცა ხმა ამომრჩეველმა;
გ) საარჩევნო ბიულეტენი არ შეიცავს მე-6 მუხლის მე-7 პუნქტით გათვალისწინებულ ყველა რეკვიზიტს.

23. ხმების დათვლის შემდეგ ხმის დამთვლელი კომისიის წევრების მიერ ივსება შემაჯამებელი ოქმი, რომელშიც შედის შემდეგი მონაცემები:

ა) ამომრჩეველთა რაოდენობა საარჩევნო სიის მიხედვით; ბ) კენჭისყრაში მონაწილე მომრჩეველთა რაოდენობა საარჩევნო სიაში/სიებში ამომრჩეველთა ხელმოწერების მიხედვით;

გ) საარჩევნო ყუთში/ყუთებში აღმოჩენილი საარჩევნო ბიულეტენების საერთო რაოდენობა; დ) ბათილი საარჩევნო ბიულეტენების რაოდენობა; ე) თითოეული კანდიდატის მიერ მოპოვებული ხმების რაოდენობა;

ვ) კომისიის ყველა წევრის ხელმოწერა.

24. არჩევის პროცედურა ჩატარებულად ითვლება, თუ მასში მონაწილეობა მიიღო სამეცნიერო საბჭოს წევრთა სრული შემადგენლობის ნახევარზე მეტმა.

25. დამოუკიდებელი სამეცნიერო სტრუქტურული ერთეულის დირექტორად არჩეულად ჩაითვლება პირი, რომელსაც ხმა მისცა საბჭოს სიითი შემადგენლობის ნახევარზე მეტმა. თუ ვერცერთმა კანდიდატმა ვერ დააგროვა ხმების საკმარისი რაოდენობა, იმავე დღეს (ჩატარების დრო დგინდება სამეცნიერო საბჭოს მიერ) გაიმართება მეორე ტური. არჩევის პროცედურის მეორე ტური გაიმართება იმავე დღეს, არჩევის პროცედურის პირველი ტურის დასრულების შემდეგ არაუგვიანეს 2 (ორი) საათისა. მეორე ტურში მონაწილეობს პირველი ორი საუკეთესო შედეგის მქონე კანდიდატი. მეორე ტურში გამარჯვებულად ჩაითვლება კანდიდატი, რომელიც მიიღებს ხმების სიითი შემადგენლობის ნახევარზე მეტს.

26. არჩევის პროცედურის შედეგები ცხადდება სამეცნიერო საბჭოს სხდომაზე, ხმის დათვლის პროცედურის დასრულების შემდგომ და სხვა აუცილებელ ინფორმაციასთან ერთად შეიტანება სხდომის ოქმში. სხდომის ოქმის შინაარსი გაეცნობა საბჭოს წევრებს და მას ხელს აწერს სამეცნიერო საბჭოს (საბჭოს სხდომის) თავმჯდომარე და მდივანი. სხდომის ოქმი, რომელსაც უნდა დაერთოს შემაჯამებელი ოქმი, სამეცნიერო საბჭოს თავმჯდომარის ინსტიტუტის დირექტორს.

27. დამოუკიდებელი სამეცნიერო სტრუქტურული ერთეულის დირექტორის შერჩევის შედეგები შესაძლებელია გასაჩივრდეს კანონმდებლობით დადგენილი წესით საქართველოს სასამართლოში.

28. დასკვნითი დებულება:

წინამდებარე წესი ცნობისათვის ეგზავნება უნივერსიტეტის რექტორსა და ადმინისტრაციას.

